

Navruz-zoda Layli Baxtiyorovna

Buxoro davlat universiteti mustaqil tadqiqotchisi,

navruzzoda82@gmail.com

SUN'IY INTELLEKT (SI) TEXNOLOGIYALARINING TURLARI VA KICHIK BIZNESDA FOYDALANISH IMKONIYATLARI

Annotatsiya. Ushbu maqolada kichik biznesda sun'iy intellekt (SI) texnologiyalarining qo'llanilishi, ularning turlari, funksiyalari va amaliy imkoniyatlari tahlil qilinadi. "O'zbekiston – 2030" strategiyasi doirasida kichik biznes sub'ektlarini zamonaviy raqamli texnologiyalar bilan integratsiyalash muhim vazifa sifatida qaralmoqda. Maqolada mashinali o'rganish, tabiiy tilni qayta ishlash (NLP), kompyuter ko'rish, ekspert tizimlar va generativ AI kabi texnologiyalarning kichik biznesda samarali joriy etilishi orqali raqobatbardoshlikni oshirish, xarajatlarni kamaytirish va mijozlarga yo'naltirilgan xizmatlarni rivojlantirish imkoniyatlari yoritiladi. Shuningdek, xorijiy adabiyotlar tahliliga asoslanib, SI texnologiyalarining amaliy qo'llanilishi bo'yicha misollar keltirilgan.

Kalit so'zlar: kichik biznes, sun'iy intellekt, mashinali o'rganish, NLP, generativ AI, kompyuter ko'rish, avtomatlashtirish, raqamli transformatsiya, raqobatbardoshlik.

ВИДЫ ТЕХНОЛОГИЙ ИСКУССТВЕННОГО ИНТЕЛЛЕКТА (ИИ) И ВОЗМОЖНОСТИ ИХ ИСПОЛЬЗОВАНИЯ В МАЛОМ БИЗНЕСЕ

Аннотация. В данной статье анализируются применение технологий искусственного интеллекта (ИИ) в малом бизнесе, их виды, функции и практические возможности. В рамках стратегии «Узбекистан – 2030» интеграция субъектов малого бизнеса с современными цифровыми технологиями рассматривается как важная задача. В статье освещаются возможности повышения конкурентоспособности, сокращения затрат и развития ориентированных на клиента услуг за счёт эффективного внедрения таких технологий, как машинное обучение, обработка естественного языка (NLP), компьютерное зрение, экспертные системы и генеративный ИИ. Также на основе анализа зарубежной литературы приведены примеры практического применения технологий ИИ.

Ключевые слова: малый бизнес, искусственный интеллект, машинное обучение, NLP, генеративный ИИ, компьютерное зрение, автоматизация, цифровая трансформация, конкурентоспособность.

TYPES OF ARTIFICIAL INTELLIGENCE (AI) TECHNOLOGIES AND THEIR APPLICATION OPPORTUNITIES IN SMALL BUSINESS

Abstract. This article analyzes the application of artificial intelligence (AI) technologies in small businesses, their types, functions, and practical capabilities. Within the framework of the "Uzbekistan – 2030" strategy, the integration of small business entities with modern digital technologies is considered a key objective. The article highlights the potential for increasing competitiveness, reducing costs, and developing customer-oriented services through the effective implementation of technologies such as machine learning, natural language processing (NLP), computer vision, expert systems, and generative AI. Based on the analysis of foreign literature, examples of practical AI applications are also provided.

Keywords: small business, artificial intelligence, machine learning, NLP, generative AI, computer vision, automation, digital transformation, competitiveness.

Kirish. Kichik biznes O'zbekiston iqtisodiyotida bandlikni ta'minlash, raqobatbardoshlikni oshirish va hududiy rivojlanishga xizmat qiluvchi asosiy omillardan biri hisoblanadi. "O'zbekiston-2030" strategiyasida ushbu sohani qo'llab-quvvatlash, zamonaviy

texnologiyalar, xususan, sun'iy intellekt (SI) vositalaridan foydalanishni kengaytirish orqali kichik biznesning samaradorligini oshirish muhim vazifa sifatida belgilangan¹.

Kichik biznes korxonalari ko'pincha resurslar va imkoniyatlar jihatidan yirik kompaniyalarga qaraganda cheklangan bo'ladi. Shu bois, sun'iy intellekt texnologiyalaridan foydalanish ularga mijozlarga moslashtirilgan xizmatlar ko'rsatish, marketing strategiyalarini optimallashtirish va tezkor qarorlar qabul qilish orqali raqobatda ustunlik yaratishga imkon beradi. **Operatsion samaradorlikni oshirishda** SI texnologiyalari yordamida kichik korxonalar kundalik jarayonlarni (xarid, yetkazib berish, inventar nazorati, moliyaviy hisobotlar) avtomatlashtirish orqali ish unumdorligini oshiradi. Bu esa vaqt va mablag' tejashiga, xatolarni kamaytirishga hamda ishchi kuchining strategik yo'nalishlarga yo'naltirilishiga olib keladi.

Mijozlar bilan aloqalarni kuchaytirishda NLP va chatbotlar orqali sun'iy intellekt kichik biznes vakillariga 24/7 avtomatik mijozlarga xizmat ko'rsatishni yo'lga qo'yish imkonini beradi. Shuningdek, SI mijozlar ehtiyojlarini tahlil qilib, shaxsiylashtirilgan takliflar yaratishda samarali vositaga aylanadi.

Bozor tendensiyalarini bashorat qilishda mashinali o'rganish algoritmlari orqali SI texnologiyalari bozordagi talabni, narx o'zgarishlarini va iste'molchilarning xatti-harakatlarini oldindan tahlil qilish imkonini beradi. Bu kichik korxonalar uchun ehtimoliy risklarni kamaytirish va raqobatga tez moslashishda muhim vosita sanaladi. Raqamli transformatsiya va davlat siyosati bilan uyg'unlashuvda ko'plab davlatlarda kichik biznes subyektlarini raqamlashtirish bo'yicha davlat dasturlari mavjud. Bu siyosatlar doirasida sun'iy intellekt texnologiyalariga subsidiya, grant va kreditlar ajratilishi ushbu texnologiyalarni joriy etishni real va foydali qiladi.

Kichik biznesning iqtisodiy tizimdagi rolini mustahkamlashda SI texnologiyalari kichik biznes subyektlarini yanada innovatsion, moslashuvchan va bozorga yo'naltirilgan qilgan holda ularni nafaqat iqtisodiy barqarorlik, balki ijtimoiy ahamiyat nuqtayi nazaridan ham muhim omilga aylantiradi. Ayniqsa, bandlik, hududiy tenglik va mahalliy mahsulotlar ishlab chiqarishda SI texnologiyalarining tatbiqi barqaror natijalarga olib keladi. Shu sababdan, sun'iy intellekt (SI) texnologiyalarining turlari va kichik biznesda foydalanish imkoniyatlari iqtisodiy raqobatning keskinlashuvi, resurslarning cheklanganligi va innovatsion rivojlanish talablarining kuchayishi sharoitida nihoyatda dolzarb masalaga aylanmoqda.

Mavzuga oid adabiyotlarning tahlili. Sun'iy intellekt texnologiyalari turli yo'nalishlar bo'yicha rivojlanib, turli sohalarga moslashtirilgan. Ayniqsa kichik biznes uchun:

- **mashinali o'rganish** – savdo va mijoz tahlili uchun, ma'lumotlar asosida algoritmlar yordamida avtomatik o'rganish va bashorat qilish imkonini beradi;

- **NLP** – xizmat ko'rsatish va chatbotlar uchun, matn va nutqni avtomatik tushunish, tarjima qilish, chatbotlar yaratishda qo'llaniladi;

- **kompyuter ko'rish** – sifat nazorati va xavfsizlik uchun, rasm va videolarni analiz qilish orqali tanib olish, kuzatuv tizimlarida qo'llaniladi;

- **generativ AI** – kontent yaratish va brend marketingi uchun dolzarb ahamiyat kasb etadi.

Kichik biznesda sun'iy intellekt texnologiyalarining, xususan "Mashinali o'rganish" (Machine Learning) asosidagi joriy etilishi bo'yicha **xorijiy olimlar** tomonidan olib borilgan tadqiqotlarda Daniel R. Whiteson² kichik bizneslar uchun moslashuvchan va byudjetga mos mashinali o'rganish algoritmlarini joriy etish usullari tahlil qiladi. Mavzular jumlasiga mijoz segmentatsiyasi, shaxsiylashtirilgan marketing, talab prognozi va chatbotlar kiradi.

Trevor Clawson³ asosan raqamli transformatsiyaga tayyorlanayotgan kichik korxonalar uchun amaliy qo'llanma bo'lib, unda mashinali o'rganish texnologiyalarining startap va mikro korxonalarda qanday qo'llanilishi haqida real misollar keltiradi. Innovatsiyalarni joriy qilishdagi strategik yondashuvlar bayon etadi.

¹ Sh.Mirziyoyev. "O'zbekiston – 2030" strategiyasi to'g'risida"gi PF-158-sonli farmoni. Toshkent 2023 yil, 1-18b. <https://lex.uz/ru/docs/-6600413>

² Daniel R. Whiteson. Machine Learning for Small Business: Practical AI Applications. Routledge 2021.P.268

³ T. Clawson. Artificial Intelligence for Small Business: Harness the Power of Machine Learning and Data. Kogan Page.2020.P224.

Ankur Patel¹ kichik biznes egalarining texnik bilimiga ega bo'lmagan bo'lishi ehtimoli inobatga olingan holda, mashinali o'rganish asoslari soddalashtirgan tilda tushuntirgan. U sentiment analysis, narxni optimallashtirish va inventar nazorati kabi ML amaliyotlarini o'rgatadi.

Michael C. Darden² Elektron tijoratda mashinali o'rganishning kichik chakana bizneslar uchun qanday qilib mijoz konversiyasini va sodiqligini oshirishga xizmat qilishi misollar orqali tushuntirilgan. Model qurilishi, ma'lumot tozalash, va sinovdan o'tkazish bosqichlari amaliy ko'rinishda tasvirlagan.

Thomas H. Davenport³ Mashinali o'rganishning turli sohalardagi (sog'liqni saqlash, xizmat ko'rsatish, moliya) kichik bizneslarda qo'llanilishi ko'rib chiqiladi. Kitob strategik rejalashtirish, ish jarayonlarini optimallashtirish va foyda marjasini oshirishga qaratilgan ML modellarini muhokama qiladi. Mashinali o'rganish texnologiyalarini kichik biznesga tatbiq etish bo'yicha xorijiy adabiyotlar quyidagi uch asosiy yo'nalishni qamrab oladi. Amaliy joriy etishda talab prognozi, reklama, chatbotlardan foydalaniladi Strategik yondashuvda kam resursli biznes uchun maqbul AI strategiyasi qullaniladi.

Kichik bizneslarda sun'iy intellekt (SI) texnologiyalarining neyron tarmoqlar (neural networks) orqali katta hajmdagi ma'lumotlarni chuqur tahlil qilish (deep learning) asosida joriy etilishi bo'yicha **xorijiy olimlardan N. D. Lewis⁴** tadqiqotlarida kichik va o'rta bizneslarda chuqur o'rganish (deep learning) modellari yordamida ma'lumotlar tahlili, xaridorlar xatti-harakati, firibgarlikni aniqlash va mijoz yo'nalishidagi modellashtirish amaliyotlari yoritilgan. Muallif TensorFlow va Keras texnologiyasi asosida xaridor xatti-harakati, churn tahlili, marketing kampaniyalarining samaradorligi kabi ko'rsatkichlarni tahlil qilish usullarini ko'rsatadi.

Anirudh Koul, Siddha Ganju, Meher Kasam⁵ kabi xorijiy olimlari kichik biznes sub'ektlarida IoT qurilmalar, mobil ilovalar va bulutli xizmatlar orqali chuqur o'rganish modellarini qanday joriy qilish mumkinligini ko'rsatib, model yengilligi, tezligi va foydalilik darajasi tahlil qilganlar. **F.Chollet⁶** François Chollet tomonidan yozilgan bu kitob chuqur o'rganish asoslarini tushuntirib, kichik bizneslar uchun chatbotlar, surat tahlili va foydalanuvchi modellashtirishda foydalaniladigan amaliy modellarni keltiradi. Kitob Keras kutubxonasidan foydalangan holda sodda va tushunarli darslar asosida yozilgan bo'lib, AI'ni real sektor muammolariga tatbiq etish yo'llarini o'rgatadi. **A.Koul, S.Ganju & M.Kasam⁷** kichik biznes sub'ektlar uchun mobil va bulutli infratuzilmada ishlaydigan chuqur o'rganish modellarining yaratilishi va joriy etilishi haqidagi asarida real dunyo muammolari – masalan, avtomatlashtirilgan xizmat ko'rsatish, mahsulot tavsiyasi, audio vizual tahlil – bo'yicha ilovalar bayon etilgan. Ular ayniqsa mobil ilovalar ishlab chiqayotgan kichik firmalar uchun muhim amaliy qo'llanma hisblanadi. **T.R.Mitchell⁸** kichik va o'rta biznes subyektlari uchun sun'iy intellekt strategiyasi va chuqur o'rganish texnologiyalarini joriy etishning iqtisodiy foydasi ko'rib chiqiladi. Muallif texnik tayyorgarlik darajasi, resurslar yetarliligi va ROI (investitsiyalardan qaytish) ni hisoblash mexanizmlarini bayon etadi.

S.Das⁹ biznes tahlilida chuqur neyron tarmoqlardan (CNN, RNN, LSTM) foydalanishning nazariy va amaliy jihatlarini o'z ichiga oladi. Kichik biznesda savdo prognozi, moliyaviy oqimlarni modellashtirish, mijoz talablari prognozi kabi ko'rsatkichlarni aniqlashda chuqur o'rganishning ustunligi ko'rsatilgan bo'lib, tahliliy fikrlashni rivojlantirishga qaratilgan.

¹ Ankur Patel. Hands-On Machine Learning for Small Business Owners. O'Reilly Media 2022. P.310

² Michael C. Darden. AI-Powered Commerce: How Machine Learning Reshapes Small Retail. Springer 2023. P.289

³ Thomas H. Davenport. The AI Advantage: Machine Learning Applications for Entrepreneurs. MIT Press. 2019. P.256

⁴ N. D. Lewis. Deep Learning for Business with Python. CreateSpace Independent Publishing 2017. P.366

⁵ Anirudh Koul, Siddha Ganju, Meher Kasam. Practical Deep Learning for Cloud, Mobile, and Edge. O'Reilly Media 2020. P.400

⁶ Chollet F. (2021). *Deep Learning with Python* (2-nashr). Manning Publications. 504 bet.

⁷ Koul A., Ganju, S., & Kasam, M. (2020). *Practical Deep Learning for Cloud, Mobile, and Edge*. O'Reilly Media. 400 bet.

⁸ Mitchell T. R. (2021). *AI and Deep Learning for SMBs*. Springer Briefs in Business Technology. 182 bet.

⁹ Das S. (2020). *Deep Learning for Business Analytics*. Wiley. 352 bet.

Kichik biznesda sun'iy intellekt (SI) texnologiyalarining Tabiiy tilni qayta ishlash (Natural Language Processing – NLP) yo'nalishida joriy etilishi bo'yicha Jason D. Brownlee¹ tadqiqotlarida kichik va o'rta biznes uchun NLP texnologiyalarini qanday qilib joriy etish mumkinligini amaliy misollar bilan tushuntiradi. Kitobida matn tasnifi, mijoz fikrini aniqlash (sentiment analysis), avtomatik javob tizimlari va chatbotlar yaratish bo'yicha kodlar berilgan. Daniel Jurafsky & James H. Martin² Kichik biznes kontekstida, NLP yordamida ko'p tarmoqli matnli ma'lumotlarni (e-mail, sharhlar, mijoz yozishmalari) analiz qilish orqali qarorlar qabul qilishni tushuntiradi. Sowmya Vajjala, Bodhisattwa Majumder, Anuj Gupta,³ kichik biznes uchun NLP texnologiyalarini qanday qilib mijoz xizmatlarida, kontent avtomatlashtirishda, va brend monitoringida qo'llash bo'yicha bosqichma-bosqich yondashuvni taklif etadi. Lewis Tunstall, Leandro von Werra, Thomas Wolf⁴ "Transformer modellar" (masalan, BERT, GPT) asosida NLP tizimlarini yaratish bo'yicha o'z kitobida kichik biznesda xizmat ko'rsatish sifatini oshirish, avtomatlashtirilgan mijoz yozishmalari va mahsulot sharhlarining analizida foydalanish bo'yicha strategiyalar keng yoritilgan.

Tadqiqot metodologiyasi. Ushbu tadqiqotda tahliliy-deskriptiv yondashuv asos qilib olingan bo'lib, mavjud nazariy manbalar, xorijiy ilmiy maqolalar va statistik ma'lumotlarga tayanilgan. Sun'iy intellekt texnologiyalarining kichik biznesdagi joriy etilishi, samaradorligi va amaliy ko'rinishlari o'rganilgan. Xususan, adabiyotlar tahlili orqali mashinali o'rganish, NLP, kompyuter ko'rish, generativ AI kabi texnologiyalar haqida yetakchi xorijiy mualliflarning yondashuvlari tahlil qilingan. Taqqoslash usuli yordamida sun'iy intellekt texnologiyalari o'zaro farqlari, afzalliklari va kamchiliklari 2-jadvalda ko'rsatilgan. Sistemali yondashuv orqali sun'iy intellekt texnologiyalarining kichik biznesdagi funksiyalari 1-rasm va 3-jadvalda tizimlashtirilgan. Amaliyotga yo'naltirilgan misollar va real senariylar asosida SI texnologiyalarining samarali joriy etilishi bo'yicha amaliy xulosalar chiqarilgan.

Tahlil va natijalar. Kichik biznes sub'ektlari uchun sun'iy intellekt texnologiyalarining joriy etilishi — **raqobatbardoshlikni oshirish, xarajatlarni kamaytirish va mijozga yo'naltirilgan xizmatlarni takomillashtirish** yo'lida muhim qadamdir. Ayniqsa, **"Mashinali o'rganish"**, **"NLP"** va **"Generativ AI"** texnologiyalari kam xarajat bilan joriy etilishi mumkin bo'lgan samarali vositalari sifatida xizmat qiladilar. Shu bilan birga, **kompyuter ko'rish, ekspert tizimlar va avtonom agentlar** esa kichik biznes sub'ektlarini yuqori samaradorligini ta'minlaydi. Biroq ularni tatbiq qilish texnik jihatdan nisbatan murakkab faoliyatdir. Shuning uchun, har bir sun'iy intellekt texnologiyasi kichik biznes kontekstida qanday foyda keltirishi, qanday sohalarida qo'llanishi va joriy etishdagi real imkoniyatlarini aniqlab olish muhim hisoblanadi (1-jadval).

1-jadval

**KICHIK BIZNES SUB'EKTLARIDA QO'LLANILADIGAN SUN'IY INTELEKT
TEXNOLOGIYALARINING TURLARI VA FUNKSIYALARI⁵**

№	Texnologiya turi	Asosiy funksiyasi va qo'llanilishi
1	Mashinali o'rganish (Machine Learning)	Kompyuterlar ma'lumotlar asosida mustaqil o'rganadi va natijalarni prognozlaydi. Savdo prognozi, kredit reytingi tahlilida keng qo'llaniladi.
2	Chuquroq o'rganish (Deep Learning)	Neyron tarmoqlar orqali katta hajmdagi ma'lumotlarni chuqur tahlil qiladi. Ovozni, suratni, videoni tanib olishda qo'llaniladi.

¹ Jason D. Brownlee. Natural Language Processing for Business. Machine Learning Mastery2020.P.261

² D. Jurafsky, James H. Martin. Speech and Language Processing" (3rd Edition – Draft). Pearson Education 2023.

³ Sowmya Vajjala, Bodhisattwa Majumder, Anuj Gupta, Practical Natural Language Processing: A Comprehensive Guide to Building Real-World NLP Systems. O'Reilly Media 2020.P.456

⁴ Lewis Tunstall, Leandro von Werra, Thomas Wolf. Natural Language Processing with Transformers. O'Reilly Media2022.P.374

⁵ Manba: Muallif tomonidan tuzilgan

3	Neyron tarmoqlar (Artificial Neural Networks)	Inson miyasi faoliyatiga o'xshash tarzda ma'lumotlarni qayta ishlaydi. Diagnostika, tahmin qilish, texnik nazoratda qo'llaniladi.
4	Tabiiy tilni qayta ishlash (NLP)	Kompyuterning inson tilini tushunish va yaratishini ta'minlaydi. Chatbotlar, tarjimonlar, ovozli yordamchilarda ishlatiladi.
5	Ekspert tizimlar (Expert Systems)	Muayyan soha mutaxassislarining bilimlari asosida avtomatik qarorlar chiqaradi. Konsalting, tibbiyot va moliya sohasida keng tarqalgan.
6	Kompyuter ko'rish (Computer Vision)	Tasvir va videoni tahlil qilib, ma'lumot oladi (masalan, yuzni tanish, obyektlarni aniqlash). Sifat nazorati, xavfsizlikda ishlatiladi.
7	Reinforcement Learning (mustahkamlovchi o'rganish)	Tizim harakatlar natijalaridan saboq olib, eng optimal yechimlarni tanlaydi. Avtonom transport, robototexnika va o'yinlarda qo'llaniladi.
8	Avtonom agentlar va robotlar	O'z-o'zidan qaror chiqarib, fizik harakatlarni bajara oladigan tizimlar. Logistika, dronlar, ishlab chiqarishda qo'llaniladi.
9	Generativ AI (AI yaratgan kontentlar)	Matn, rasm, musiqa va video yaratadigan tizimlar (ChatGPT, DALL·E, Midjourney). Marketing, dizayn, o'qitishda ishlatiladi.

Yuqoridagi jadvalni tahlil qiladigan bo'lsak, mashinali o'rganish kichik bizneslar uchun eng dolzarb va qulay texnologiyalardan biridir. Bu texnologiya orqali kompaniyalar o'z mijozlari haqidagi ma'lumotlarni chuqur tahlil qilib, ularning ehtiyojlarini aniqlashi, xarid tendensiyalarini prognoz qilishi va marketing strategiyalarini moslashtirishi mumkin. Masalan, do'kon yoki onlayn savdo platformasi o'z xaridorlarining oldingi xaridlaridan kelib chiqib, ularga maxsus takliflar yuborishi mumkin. Kredit baholash yoki qarorlarni avtomatlashtirishda ham ML samarali vosita hisoblanadi.

Chuqur o'rganish murakkab, lekin kuchli texnologiya bo'lib, asosan katta hajmdagi vizual, audio yoki video ma'lumotlar bilan ishlaydi. Bu kichik bizneslarda, ayniqsa, xavfsizlik, monitoring, yoki raqamli marketingda qo'llanilishi mumkin. Masalan, go'zallik saloni yoki butik do'koni yuzni tanib olish texnologiyasi orqali mijozlarni identifikatsiya qilib, ularga shaxsiy xizmatlar ko'rsatishi mumkin. Biroq bu texnologiyani joriy qilish uchun nisbatan ko'proq texnik resurs va tajriba talab etiladi.

Neyron tarmoqlar inson miyasi kabi ishlovchi tizimlar bo'lib, murakkab tahlillar va prognozlar uchun qulay. Bu texnologiya kichik bizneslar tomonidan moliyaviy rejalarni yaratishda, inventarizatsiya boshqaruvida yoki mijoz ehtiyojlarini oldindan bilishda samarali bo'ladi. Ayniqsa, marketologlar va biznes tahlilchilari bu vositadan foydalansa, raqobatda ustunlikka ega bo'lishlari mumkin.

NLP yordamida kompyuterlar inson tilini tushunadi va unga javob qaytara oladi. Kichik biznes uchun bu, ayniqsa, **chatbotlar** va **virtual yordamchilar** orqali mijozlarga 24/7 xizmat ko'rsatish imkonini beradi. Masalan, restoran yoki onlayn xizmat ko'rsatuvchi biznes o'z veb-saytiga yoki Telegram botiga NLP asosida ishlovchi chatbot o'rnatib, mijozlarga menyu, buyurtma holati yoki tez-tez so'raladigan savollarga avtomatik javob bera oladi. Bu xodimlar yukini kamaytiradi va xizmat sifatini oshiradi.

Ekspert tizimlar — muayyan soha bilimlarini avtomatlashtirish imkonini beradi. Masalan, kichik moliyaviy konsalting firmasi mijozlarga kredit olish, investitsiya qilish yoki soliq rejalashtirishda tavsiyalar beruvchi tizim yaratishi mumkin. Bu tizimlar inson xatolarini kamaytiradi va qarorlarni tezlashtiradi. Bunday tizimlar IT konsalting, farmatsiya, va moliyaviy xizmat ko'rsatish biznes turlari uchun ayniqsa foydalidir.

Kompyuter ko'rish texnologiyasi surat va videolarni avtomatik tahlil qiladi. Bu kichik ishlab chiqaruvchilarga mahsulot sifatini nazorat qilishda yoki do'kon egalariga mijoz oqimini kuzatishda yordam beradi. Masalan, pishiriq ishlab chiqaruvchi korxona kompyuter ko'rishdan foydalangan holda sifatsiz mahsulotlarni avtomatik ravishda ajratib olish tizimini o'rnatishi mumkin. Bu texnologiya xavfsizlik tizimlarida ham samarali qo'llaniladi.

Mazkur texnologiya orqali tizimlar tajriba orqali optimal qarorlarni o'rganadi. Bu texnologiya kichik biznesda avtomatlashtirilgan reklama platformalarida, dinamik narx belgilash yoki foydalanuvchi tajribasini moslashtirishda ishlatiladi. Uning murakkabligi sababli, bu texnologiya ko'proq texnik tajribaga ega jamoalar uchun qisqa muddatda mos bo'lib, ammo uzoq muddatda katta foyda keltirish imkoniga ega.


Avtonom agentlar fizik harakatlar bajaruvchi mustaqil tizimlardir. Kichik ombor, xizmat ko'rsatish yoki logistika korxonalari ushbu texnologiyadan foydalanib, mahsulotlarni joylashtirish, jo'natish va qadoqlash ishlarini avtomatlashtirishi mumkin. Dronlar yordamida tez yetkazib berish xizmatlari kichik chakana savdo firmalari uchun kelajakda jiddiy afzallik keltiradi.

Generativ sun'iy intellekt, ayniqsa ChatGPT, DALL·E, Midjourney kabi vositalar yordamida kichik bizneslar uchun kreativ materiallar ishlab chiqish osonlashdi. Logotip, reklama matni, banner yoki video kontentni AI orqali yaratish imkoniyati dizayner yollash xarajatini kamaytiradi. Bu kichik byudjetli marketing kampaniyalari uchun ayni muddao bo'ladi, deb o'ylaymiz.

Hozirgi vaqtda O'zbekistonda kichik biznes va xususiy tadbirkorlikni jadal rivojlantirishda foydalaniladigan samarali **sun'iy intellekt texnologiyalarining, fikrimizcha, to'rta asosiy turlarini ajratish maqsadga muvofiq bo'ladi** (1-rasm).

1-rasmda **sun'iy intellekt (Artificial Intelligence)** texnologiyalarining asosiy turlari grafik ko'rinishda tasvirlangan. Quyida har bir texnologiya turining **mohiyati va kichik biznesdagi amaliy qo'llanilishi** bo'yicha izoh berib o'tamiz.

Mashinali o'rganish — bu kompyuter tizimining tarixiy ma'lumotlar asosida o'rganib, mustaqil ravishda qaror chiqarishga o'rganishidir. **Kichik biznesda qo'llanilishi** mijozlar xatti-harakatini tahlil qilish, savdo prognozi, kredit risklarini baholash va dinamik narxlash strategiyalarini ishlab chiqishdan iborat.



1-rasm. Kichik biznesni rivojlanishida foydalanadigan sun'iy intellekt texnologiyalari turlari¹

¹ Muallif ishlanmasi.

Tabiiy tilni qayta ishlash (Natural Language Processing, NLP) — kompyuterlar tomonidan inson tili (matn va nutq) ni tushunish, tahlil qilish va javob qaytarish texnologiyasidir. **Kichik biznesda qo'llanilishida** chatbotlar orqali avtomatik mijozlar bilan muloqot, e-mail kampaniyalarini tahlil qilish, mahsulot sharhlarini analiz qilish va tarjimaga asoslangan xizmatlarni amalga oshiradi.

Kompyuter ko'rish - bu suratlar, videolar yoki boshqa vizual axborotlar orqali ma'lumot olish texnologiyasidir. Bunda mahsulot sifatini vizual nazorat qilish (masalan, ishlab chiqarishda nuqsonlarni aniqlash), yuzni tanib olish (xavfsizlik va marketingda) va vizual ombor nazoratini amalga oshirish amaliyotlari kiradi.

Ekspert tizimlar — mutaxassis bilimlariga asoslangan avtomatik qaror chiqaruvchi dasturiy tizimlardir. Konsalting xizmatlarida maslahatlar berish, moliyaviy tavsiyalarni avtomatlashtirish va tibbiyotda diagnostika yoki xizmat takliflarini shakllantirishdan iborat. Rasmda ko'rsatilgan to'rtta texnologiya turining har biri sun'iy intellektning muhim tarkibiy qismi bo'lib, ular kichik biznesda **xizmat sifatini oshirish, operatsiyalarni avtomatlashtirish va raqobatbardoshlikni mustahkamlash** uchun samarali vosita hisoblanadi. Ayniqsa, **Mashinali o'rganish va NLP** texnologiyalari kam xarajat bilan joriy etilishi mumkin va tez natija beradi, deb o'ylaymiz.

Kichik biznes sub'ektlarini rivojlanishida **sun'iy intellekt** texnologiyalaridan samarali foydalanish maqsadida ularning turlari bo'yicha o'zaro farqini aniqlash taqozo etadi. 2-jadvalda **SI texnologiyalari o'zaro qanday farqlanishini ko'rib chiqamiz**.

2-jadval

SUN'IY INTELLEKT TEXNOLOGIYALARI O'ZARO FARQLARI ¹					
O'lchov mezon	Mashinali o'rganish	NLP	Kompyuter ko'rish	Ekspert tizimlar	Reinforcement Learning
O'rganish turi	Ma'lumot asosida	Til va matn	Rasm va video	Qoidalariga asoslangan	Tajriba asosida
Obyektga yo'naltirish	Prognoz	Suhbat, analiz	Tasvirni aniqlash	Tavsiya berish	Harakat va natija
Amaliy sohalar	Biznes, moliya	Chatbotlar, tarjima	Xavfsizlik, sog'liq	Konsalting, meditsina	O'yinlar, robototexnika

Jadvaldan ko'rib turganimizdek, har bir texnologiyaning o'ziga xos o'rganish usuli mavjud. Mashinali o'rganish ma'lumot asosida o'zining funksiyasini takomillashtiradi, ya'ni tarixiy ma'lumotlar orqali prognozlar beradi. NLP esa inson tili va matn strukturasiga asoslanib tilni tushunishga qaratilgan. Kompyuter ko'rish tasvir va video materiallar orqali o'rganadi. Ekspert tizimlar esa ilgari belgilangan qoidalar va mutaxassis bilimlari asosida ishlaydi, Reinforcement Learning esa tajriba orttirish va mukofot tizimi orqali samarali yechimni topishga intiladi. Bu jihatlar har bir texnologiyaning o'ziga xos kuchli tomonini aniqlab beradi.

Texnologiyalar ma'lumotga qanday yo'naltirilganligi ularning vazifasiga ta'sir ko'rsatadi. Masalan, mashinali o'rganish ko'proq prognozlashga qaratilgan bo'lsa, NLP inson bilan til orqali muloqot qilishga (chatbot, tarjima, fikr analiz) xizmat qiladi. Kompyuter ko'rish obyektlarni tasvir orqali aniqlaydi (masalan, yuzni tanish yoki mahsulotdagi nuqsonni ko'rish). Ekspert tizimlar esa mavjud bilimlar bazasidan tayanib tavsiyalar beradi, Reinforcement Learning esa harakatning oqibatini baholab, eng maqbul strategiyani shakllantiradi. Bu texnologiyalar bir-birini to'ldiruvchi va ba'zan integratsiyalanuvchi tizimlar bo'lishi mumkin.

Texnologiyalar turli sohalarda turlicha ahamiyat kasb etadi. Masalan, mashinali o'rganish biznes va moliya sohasida xarajatlarni tahlil qilish, mijoz ehtiyojlarini prognoz qilish, yoki sotuvlarni oldindan baholashda samarali texnologiya hisoblanadi. NLP esa xizmat ko'rsatish,

¹Muallif ishlanmasi.

savdo, ta'lim va mijozlar bilan muloqotda chatbotlar va tarjimonlar shaklida keng qo'llaniladi. Kompyuter ko'rish xavfsizlik, sog'liqni saqlash va ishlab chiqarishda vizual monitoring uchun ishlatiladi. Ekspert tizimlar konsalting, tibbiyot va moliyaviy maslahat sohalarida katta yordam beradi. Reinforcement Learning esa ilg'or texnologiyalarga ega o'yinlar va robototexnika uchun muhim yechimlarni taqdim etadi. Kichik biznes uchun ayniqsa mashinali o'rganish va NLP eng ko'p daromad va samaradorlik keltiruvchi texnologiyalardir.

3-jadvalda sun'iy intellekt (SI) texnologiyalarining kichik biznesdagi asosiy yo'nalishlari va ularning amaliy foydalanish shakllari ko'rsatilgan.

3-jadvalda

KICHIK BIZNESDA SI TEXNOLOGIYALARIDAN FOYDALANISH YO'NALISHLARI ¹	
Yo'nalish	Amaliy foydalanish shakllari
Marketing va savdo	Mijozlar xatti-harakatlarini tahlil qilish, shaxsiylashtirilgan reklamalar, SI chatbotlar
Mijozlarga xizmat	24/7 avtomatik yordam (chatbot), mijoz so'rovlariga tez javob
Moliyaviy boshqaruv	Xarajatlar prognozi, firibgarlikni aniqlash, pul oqimlarini optimallashtirish
Logistika va ta'minot	Yetkazib berishni optimallashtirish, ombor zaxiralarini avtomatlashtirish
Ishlab chiqarish	Sifat nazorati (kompyuter ko'rish orqali), robotlar yordamida yig'ish jarayonlari
Kadrlar boshqaruvi	Rezyumelarni avtomatik tahlil qilish, ishga mos nomzodlarni tanlash

3-jadvalni har bir yo'nalish bo'yicha tahlil qilganimizda SI marketingda mijozlar haqidagi katta hajmdagi ma'lumotlarni tahlil qilish orqali samarali qarorlar qabul qilish imkonini beradi. Shaxsiylashtirilgan reklamalar mijozning xarid tarixi va xatti-harakatlariga asoslangan bo'lib, savdo samaradorligini oshiradi. SI asosidagi chatbotlar esa mijozlarga onlayn do'konlarda tezkor xizmat ko'rsatadi. *Ijobiy ta'siri*- sotuvlar hajmini oshiradi, reklama xarajatlarini kamaytiradi, mijozlar ehtiyojlariga tez moslashadi. Sun'iy intellekt asosidagi chatbotlar 24/7 xizmat ko'rsatish imkonini yaratadi. Bu texnologiyalar mijoz murojaatlarini avtomatik ravishda qabul qilib, ularga standart yoki moslashtirilgan javoblar beradi, shu orqali xizmat ko'rsatish tezligi va sifati oshadi. Mijozlar qoniqishini oshiradi, xizmat ko'rsatish xodimlariga yukni kamaytiradi, vaqt tejiladi.


SI yordamida korxonalar xarajatlarni tahlil qiladi, kelajakdagi moliyaviy oqimlarni prognozlaydi, firibgarlik holatlarini aniqlashda samarali yechim bo'ladi. AI algoritmlari buxgalteriya tizimlari bilan integratsiyalashgan holda avtomatik monitoring olib boradi. Natijada moliyaviy xavflarni kamaytiradi, byudjet rejalashtirishni aniq qiladi, firibgarlikka qarshi kurashadi. Yetkazib berish jarayonlarini optimallashtirishda SI muhim ahamiyatga ega. AI algoritmlari ombor zaxiralarining darajasini kuzatib boradi va talabga qarab zaxiralarni avtomatik yangilaydi. Yo'nalishlar va transport vositalarini optimallashtirish orqali xarajatlar kamayadi. Buning oqibatida ta'minot zanjiri uzluksizligini ta'minlaydi, yetkazib berish muddatlarini qisqartiradi va xarajatlarni kamaytiradi.

AI yordamida kompyuter ko'rish texnologiyasi orqali sifat nazorati kuchayadi. Defektlarni aniqlash, ishlab chiqarish jarayonida robotlardan foydalanish mahsulot sifati va ishlab chiqarish tezligini oshiradi. Ishlab chiqarish samaradorligini oshiradi, inson omiliga bog'liq xatolarni kamaytiradi. Rezyumelarni avtomatik tahlil qilish va nomzodlarning AI asosidagi reytingini aniqlash inson resurslari bo'limi ishini soddalashtiradi. Bu jarayonda SI algoritmlari tajriba, malaka va lavozim talablariga moslikni aniqlaydi. Natijada ishga yaroqli nomzodlarni tez va aniq tanlashga yordam beradi, tanlovda subyektiv xatolikni kamaytiradi.

Qayd qilish lozimki, sun'iy intellekt texnologiyalari kichik biznesda turli yo'nalishlarda amaliyotga joriy etilmoqda va ularning har birida samaradorlik, tejamkorlik va

¹ Muallif ishlanmasi.

raqobatbardoshlikni oshirishga xizmat qilmoqda. Marketingdan tortib, kadrlar boshqaruvi gacha bo'lgan barcha bosqichlarda SI innovatsion imkoniyatlarni taqdim etmoqda (2-rasm).



2-rasm. Sun'iy intellekt texnologiyalarining kichik biznesda asosiy yo'nalishlari¹

2-rasmda **sun'iy intellekt texnologiyalarining kichik biznesda asosiy yo'nalishlari** ko'rsatib berilgan. **Marketing va savdo amaliyotda** mijozlarning xatti-harakatlari asosida maqsadli marketing strategiyalari ishlab chiqiladi. Shaxsiylashtirilgan reklamalar orqali mijoz ehtiyojlariga mos takliflar beriladi. SI chatbotlar orqali real vaqt rejimida savdo bo'yicha maslahatlar beriladi. Bu esa marketingda SI mijozni anglash va u bilan doimiy muloqotni saqlash vositasi sifatida xizmat qiladi. Shaxsiylashtirish sotuv samaradorligini oshiradi va brendga sodiqlikni kuchaytiradi.

Mijozlarga xizmat amaliyotda 24/7 chatbotlar yordamida avtomatik xizmat ko'rsatish va mijoz so'rovlariga darhol va aniqlik bilan javob beradi. Natijada SI xizmat sifati va tezligini oshiradi. Kichik biznes mijozlarga xizmat ko'rsatishda raqobatdosh bo'lishi uchun bu texnologiyalar dolzarb yechimdir. **Moliyaviy boshqaruvda** xarajatlar prognozi va moliyaviy rejalashtiriladi. Firibgarlikni aniqlash algoritmlari va pul oqimlarini optimallashtirish modellari quriladi. SI buxgalteriya jarayonlarini soddalashtiradi va aniq nazorat qiladi. Moliyaviy xavflarni kamaytirish kichik biznes barqarorligining asosidir.

Logistika va ta'minotda yetkazib berish marshrutlarini SI asosida optimallashtirish va ombor zaxiralarini avtomatlashtirish va real vaqtda boshqarish ishlari olib boriladi. Logistika muammolari kichik biznesni to'xtatib qo'yishi mumkin. SI yordamida mahsulot aylanishi tezlashadi, yetkazib berish muddati qisqaradi. **Ishlab chiqarishda** kompyuter ko'rish orqali sifat nazorati va robotlar yordamida yig'ish va montaj jarayonlari olib boriladi. Kichik korxonalar

¹ Manba: Muallif ishlanmasi

ishlab chiqarish jarayonini avtomatlashtirish orqali mehnat unumdorligini oshiradi va mahsulot sifatini standartlashtiradi.

Kadrlar boshqaruvi rezyumelarni avtomatik tahlil qiladi. Ishga mos nomzodlarni tanlash uchun SI algoritmlaridan foydalanish. Kadr tanlashda xolislikni oshiradi va jarayonni tezlashtiradi. Bu xodimlar samaradorligini oshirishga xizmat qiladi. Infografika sun'iy intellektning kichik biznesda **marketingdan tortib, moliya, ishlab chiqarish va HRgacha bo'lgan barcha sohalarda** qanday amaliy yordam berishini aniq, grafik va tizimli ko'rsatmoqda. Bu turdagi vizual tahlillar tadbirkorlar uchun qaror qabul qilishda foydali qo'llanma vazifasini bajaradi.

Resurslar cheklanganligi – kichik biznes SI orqali ishchi kuchi, vaqt va xarajatlarni tejashi mumkin. **Raqobatning kuchayishi** – sun'iy intellekt yordamida tezroq, aniqroq va moslashtirilgan xizmatlar ko'rsatish imkoniyati mavjud. **Raqamli transformatsiya bosqichi** – ko'plab kichik korxonalar endi raqamli bozorlar bilan integratsiyalashmoqda. **Davlat siyosatining qo'llab-quvvatlovi** – SI yechimlariga subsidiya, kreditlar va grantlar ajratish borasida dasturlar mavjud. **Internet infratuzilmasining rivojlanishi** – bulutli xizmatlar orqali SI tizimlaridan foydalanish arzon va osonlashgan.

Sun'iy intellekt texnologiyalarining kichik biznesda qo'llanilishi nafaqat raqobatbardoshlikni oshiradi, balki resurslarni optimallashtirish, mijozlarga xizmat sifati va daromad hajmini oshirishda ham muhim rol o'ynaydi. Ayniqsa, mashinali o'rganish, chatbotlar, kompyuter ko'rish va avtomatlashtirish texnologiyalarining tez rivojlanishi kichik bizneslar uchun katta imkoniyatlar ochmoqda.

Ushbu texnologiyalarni tadbiq etish – raqamli iqtisodiyotda muvaffaqiyatli faoliyat yuritishning ajralmas sharti bo'lib bormoqda. **Kichik biznes va xususiy tadbirkorlikni tivojlantirish sharoitida SI mohiyatining o'ziga xos jihatlari** kichik biznes sub'ektlar ko'pincha quyidagi cheklovlariga ega bo'ladi. Cheklangan moliyaviy resurslar, kam sonli xodimlar, bozordagi katta raqobatchilar bilan bellashish zarurati SI texnologiyalari bu muammolarga **arzon, avtomatlashtirilgan va aqlli yechimlar** taklif qiladi (4-jadval).

4-jadval

Kichik biznesda sun'iy intellekt (SI) texnologiyalarining mohiyati¹

Mohiyat	Izoh
Avtomatlashtirish	Takrorlanuvchi jarayonlar (hisob-kitob, buyurtmalar, xizmat ko'rsatish) SI yordamida tez va aniqlik bilan bajariladi.
Mijozga yo'naltirilganlik	SI mijozlar xatti-harakatlarini tahlil qilib, individual takliflar va reklama strategiyalarini yaratishga yordam beradi.
Resurslardan samarali foydalanish	Minimal inson resursi bilan maksimal natijaga erishish imkonini beradi.
Innovatsion yondashuv	Raqobatdosh bo'lish uchun zamonaviy texnologiyalarni tez joriy qilish imkonini yaratadi.

4-jadvaldagi har bir **sun'iy intellekt (SI)** texnologiyalarining **mohiyati** va **izohlarini** tahlil qilamiz. Bu tahlil kichik biznesda SI qo'llanilayotgan asosiy tamoyillarni ochib beradi jumladan:

Avtomatlashtirish takrorlanuvchi va me'yoriy jarayonlar – masalan, hisob-kitoblar, buyurtma olish, mijozlarga javob berish – SI yordamida avtomatlashtiriladi. Bu inson omilini kamaytiradi va xatolikni kamaytirishga xizmat qiladi. Natijada avtomatlashtirish kichik biznes uchun xarajatlarni kamaytirish va operatsion samaradorlikni oshirish vositasiga aylanadi. Ayniqsa xizmat ko'rsatish va moliyaviy operatsiyalarda tezlik va aniqlik raqobat ustunligini yaratadi.

Mijozga yo'naltirilganlik SI mijozlarning xatti-harakatlari, xarid tarixi, qidiruv odatlari va boshqa raqamli izlarini tahlil qilib, ularga moslashtirilgan xizmat va reklama takliflarini yaratadi. Bu yondashuv mijoz sodiqligini oshiradi, ularning ehtiyojlariga to'g'ri yechim taklif qiladi va savdo konversiyasini oshiradi. Kichik biznes sub'ektlar uchun bu – kam resurs bilan katta bozor samaradorligiga erishish imkonidir.

Resurslardan samarali foydalanish, SI yordamida inson resurslari, vaqt va moliyaviy vositalardan tejamli foydalaniladi. Bir nechta funksiyalarni bitta tizim avtomatik bajara oladi. Bu

¹ Manba: Muallif ishlanmasi

prinsip kichik korxonalar uchun muhim, chunki ularning resurslari cheklangan bo'ladi. SI yordamida kam xodim bilan ko'proq ish bajarish, operatsiyalarni tahlil qilish va strategik qarorlar qabul qilish osonlashadi.

Innovatsion yondashuv SI texnologiyalari biznesga yangi yondashuvlarni olib kiradi – masalan, real vaqtli tahlil, chatbotlar, prediktiv analytics, vizual sifat nazorati. Bu esa raqobatda ustunlik beradi. Natijada innovatsiyalarni tez joriy qilgan bizneslar bozorda tez moslashadi va mijozlar ehtiyojlarini ilgariroq qondiradi. Bu kichik biznes uchun o'sishning asosiy omili bo'lib xizmat qiladi.

Qayd qilish joizki, **mohiyatning strategik qiymati kichik** biznes sub'ektlari uchun SI – bu faqat texnologiya emas, balki, **o'sish yo'li**, samaradorlik **vositasi**, bozordagi **yangi imkoniyatlar kaliti va xavflarni boshqarish mexanizmi ham hisoblanadi. Sun'iy intellektning bunday "biznes samarasi"ni real ishbilarmonlik hayotidan quyidagi sanjirsimon misol bilan ko'rsatish mumkin:**

Onlayn do'kon SI yordamida mijozga mos mahsulotlar taklif qiladi → savdo hajmi oshadi, xizmat ko'rsatish firmasi SI chatbot yordamida 24/7 mijozlarga javob beradi → ish samaradorligi va mijoz mamnunligi ortadi → mahalliy ishlab chiqaruvchi SI yordamida yetkazib berish zanjirini optimallashtiradi → xarajatlar kamayadi → samaradorlik oshadi.

Xulosa. Sun'iy intellekt kichik biznes uchun – bu **raqamli transformatsiyaning yuragidir**. U nafaqat iqtisodiy foyda keltiradi, balki kichik korxonalarni tezroq o'sishga, moslashishga va innovatsion ekotizimga kirishga yordam beradi.

FOYDALANILGAN ADABIYOTLAR RO'YXATI

1. O'zbekiston Respublikasi Prezidentining 2023 yil 11 sentabrdagi "O'zbekiston – 2030" strategiyasi to'g'risida"gi PF-158-sonli farmoni.
2. Anirudh Koul, Siddha Ganju, Meher Kasam. Practical Deep Learning for Cloud, Mobile, and Edge. O'Reilly Media 2020. P.400
3. Ankur Patel. Hands-On Machine Learning for Small Business Owners. O'Reilly Media 2022. P.310
4. Clawson T. Artificial Intelligence for Small Business: Harness the Power of Machine Learning and Data. Kogan Page. 2020. P.224.
5. Chollet F. (2021). Deep Learning with Python (2-nashr). Manning Publications. 504 bet.
6. Daniel R. Whiteson. Machine Learning for Small Business: Practical AI Applications. Routledge 2021. P.268.
7. Das S. (2020). Deep Learning for Business Analytics. Wiley. 352 bet.
8. Jurafsky D., James H. Martin. Speech and Language Processing (3rd Edition – Draft). Pearson Education 2023.
9. Jason D. Brownlee. Natural Language Processing for Business. Machine Learning Mastery 2020. P.261.
10. Koul A., Ganju S., & Kasam, M. (2020). Practical Deep Learning for Cloud, Mobile, and Edge. O'Reilly Media. 400 bet.
11. Lewis N. D. Deep Learning for Business with Python. CreateSpace Independent Publishing 2017. P.366.
12. Lewis Tunstall, Leandro von Werra, Thomas Wolf. Natural Language Processing with Transformers. O'Reilly Media 2022. P.374.
13. Mitchell, T. R. (2021). AI and Deep Learning for SMBs. Springer Briefs in Business Technology. 182 bet.
14. Michael C. Darden. AI-Powered Commerce: How Machine Learning Reshapes Small Retail. Springer 2023. P.289.
15. Sowmya Vajjala, Bodhisattwa Majumder, Anuj Gupta, Practical Natural Language Processing: A Comprehensive Guide to Building Real-World NLP Systems. O'Reilly Media 2020. P.456.
16. Thomas H. Davenport. The AI Advantage: Machine Learning Applications for Entrepreneurs. MIT Press. 2019. P.256.